

বিরহের সংজ্ঞা

এফ. আহমেদ

সেদিন তোমার অপেক্ষায় ছিলাম,
লেকের ধারে গাছের পাতাগুলো -
যেন দোল থামিয়ে অপেক্ষায় ছিল।
রাস্তায় পায়চারী করছিলাম,
রাস্তার কোলাহল
হরতালের মত উধাও হল।
ক্লাস্ত হয়ে বেধিতে বসলাম,
পাশের চায়ের দোকানের লোকগুলো -
আড্ডা থামিয়ে চলে গেল।
পাখিদের কলরব শুনছিলাম
সব পাখীগুলো
হঠাৎ নিশ্চুপ হয়ে রইল,
জলে সূর্যের খেলা দেখছিলাম
ঘন্টা দু'য়েক পর
সূর্যটাও জলে ডুব দিল
একা নিঃসঙ্গ যখন
মনে হল
এ দুঃখকেই বোধহয় বলে বিরহ।